

Učešće na konferenciji

Revizija učinka „Aktivnost nadležnih institucija u Federaciji Bosne i Hercegovine na smanjenju zagađenosti zraka“

Centri civilnih inicijativa (u daljem tekstu: CCI) uz podršku Švedske organizovali su konferenciju na temu: Revizija učinka „Aktivnosti nadležnih institucija u Federaciji Bosne i Hercegovine na smanjenju zagađenosti zraka“. Konferencija je održana 18. 2. 2021. godine u 11 sati, na online video platformi ZOOM, a ista se prenosila uživo i na Facebook stranici CCI-a.

Na predmetnoj konferenciji prisustvovala je predstavnic Ureda za reviziju institucija u FBiH – Aida Đozić, rukovoditeljica sektora za reviziju učinka, predstavnici Parlamentarne komisije odgovorne za reviziju, federalnog i kantonalnih ministarstava nadležnih za okoliš, Federalnog hidrometeorološkog zavoda, kao i predstavnici federalne i kantonalnih uprava za inspeksijske poslove i mediji.

Cilj konferencije je unapređenje stanja unutar oblasti smanjenja zagađenosti zraka, te ukazivanje na važnost revizije učinka i njenom doprinosu boljem funkcionisanju javnog sektora. Dodatno, ukazano je na potrebu značajnije saradnje i ozbiljnijeg pristupa postupanja po nalazima revizije učinka i revizorskim preporukama.

Shodno navedenom, jedan od zaključaka konferencije je da sve institucije moraju preuzeti svoj dio odgovornosti kako bi ozbiljnije pristupili implementaciji preporuka. Zajedničkom saradnjom i aktivnostima može se doći do uspješnih rezultata, većeg stepena realizacije preporuka i boljeg upravljanja javnim resursima.



Sarajevo, 18. 2. 2021. godine